

Undang-undang Mahkamah Syariah

Rancangan meminta diadakan mahkamah syariah bagi Singapura sememangnya telah lama dituntut dan baru sekarang undang-undangnya dibawa ke majlis mesyuarat undang-undang untuk disahkan.

Undang-undang itu adalah mengenai orang-orang Islam terutamanya di dalam hal yang mengenai perkahwinan dan cerai yang telah banyak menerima baik perasaan tidak puas hati di antara penganut-penganut Islam.

Kerana yang demikian itu mengenai keseluruhan umat Islam maka semua layak-layaknya sebagaimana yang dimaksudkan, orang undang-undang itu mustahak segera diterjemahkan untuk pengetahuan umum sampai dibahas kerana di dalamnya masih banyak perkara-perkara yang patut dipinda sampai tidak nanti menerbitkan perasaan puas hati di antara orang-orang yang dibicarakan.

Kita mendengar bahawa asas undang-undang ini hendak dijalankan ialah mengenai mazhab orang-orang yang dibicarakan itu dan kerana itulah perkara itu mustahak diluaskan lagi – umpamanya seperti dalam idah dan wali. Di dalam perkara idah pada mazhab Hanafi dikenakan juga kepada lelaki dan di dalam perkara wali bagi anak dara yang baligh diluluskan berwali sendiri – tidak semata kepada wali bapa seperti yang dipegang juga oleh Ahl al-Sunnah (yang berpegang semata kepada pengertian al-Quran dan al-Hadis)

Juga dalam perkara pengambilan murājaah mahkamah itu ia hendaklah diperhatikan dengan saksama oleh orang Islam terutamanya. Mengenai pengambilan dengan bebas “mana-mana jua tafsir al-quran” daripada bahasa Inggeris. Mana-mana jua itu sepatutnya dibuang dan ditentukan hanya kepada

tafsir-tafsir yang diakui oleh Islam kerana di dalam beberapa tafsir yang ada banyak pula di dapati tafsir-tafsir yang tidak boleh diterima oleh Ahl al-Sunnah wa al-Jamāah seperti tafsir yang dibuat Qādiyāni dan seumpamanya. Juga tentang agama-agama yang ditentukan oleh syarak. Kita wajib mengingatkan tatkala bahawa membuat niat tujuan yang baik itu maka tiadalah di dalamnya kelak, kerana kurang saksama, akan merosakkan tujuan-tujuan itu dan menimbulkan pula hal-hal yang tidak digemari yang akan menerbitkan perkara-perkara yang tidak puas hati.

Bacalah

Akan Terbit

BILAL

“Tukang Bang” Rasulullah

Sejarah sedang dicetak dijadikan sebuah buku! Riwayatnya telah difilemkan dan bersesuaian dengannya. Tuan-tuan mustahak membacanya. Tempahlah kepada Qalam – di dalamnya dihiasi dengan gambar-gambar yang digambar di dalam filem tersebut. Cetaknya terjamin baik kerana ia diterbitkan oleh Qalam.